

Հայ-թուրքական հարաբերությունները մեր օրերում

Հեղինակ՝
Լաուրա Թորոյան

Ո՞ր փուլում է հայ-թուրքական երկկողմ հարաբերությունների կարգավորման գործընթացը և ինչպես փոխվեց իրավիճակը Թուրքիայում Փետրվարի 6-ին տեղի ունեցած երկրաշարժից հետո:

Հայաստանի և Թուրքիայի հարաբերությունների կարգավորման խնդիրը հատկապես 2020 թ.-ին, երբ կատարվեցին փորձեր հարաբերությունները կարգավորելու ուղղությամբ ավելի շահագրգռված էր հարաբերությունները կարգավորել Թուրքիան, որի ՀՀ հետ հարաբերությունները կարգավորելու նպատակը բխում էր Եվրոմիլիոնյան կազմի մեջ մտնելու և դեմոկրատ երկիր երևալու խնդիրը: Վերացել էր մինչև 2020թ.-ի Թուրքիայի կողմից դրված նախապայմանն ըստ որի՝ Հայաստանը պետք է ետ վերադարձներ օկուպացված շրջանները, քանի որ դրանք արդեն Ադրբեջանի հսկողության տակ էին: Հարաբերությունների կարգավորման համար գրավական էր նաև այն, որ վատթարացել էր Թուրքիայի տնտեսությունը համաճարակից հետո: Սակայն այս փուլում Հայաստանը պատրաստ չէր Թուրքիայի հետ հարաբերությունները կարգավորելու, և չէր պատասխանում Թուրքիայից եկող ազդակներին: Հիմա երբ Հայաստանն է շահագրգռված Թուրքիայի հետ վերաբացել հարաբերությունների կարգավորման հարցը սկսվեց ռուս-ուկրաինական պատերազմը, որտեղ Թուրքիան այժմ միջնորդի դեր է կատարում Ուկրաինայի և Ռուսաստանի միջև: Այսինքն ստացվեց այպես, որ Թուրքիայի թիրախը դարձավ ռուս-ուկրաինական պատերազմը, իսկ Հայաստանի հետ հարաբերությունների կարգավորումն անցավ ետին պլան:

Ըստ իս Թուրքիայի հետ հարաբերությունների կարգավորումը Հայաստանը տեսնում է որպես նոր եկող պատերազմի կանխիչ գործոն: Բոլորս էլ տեսանք, թե ինչ մեծ օգնություն ցուցաբերեց Թուրքիան Ադրբեջանին 2020թ.-ի պատերազմում: Այսինքն Հայաստանի այն դիվանագիտությունը, որը տրամադրված էր Թուրքիայի հետ բանակցություններ չվարելու հիմա վերակազմավորվում է Թուրքիայի հետ հարաբերությունների կարգավորման ուղղությամբ:

Թուրքիայի և Հայաստանի հարաբերությունների կարգավորման փուլում պրոցեսը հնարավոր է դանդաղեցնել մի իրադարձություն, որի մասին քիչ է խոսվում Հայաստանում՝ Թուրքիայում կայանալիք ընտրությունները: Հիմա Թուրքիան փորձում է լուրջ որոշումներ դեռևս չիրականացնել: Ընտրություններից հետո ամեն բան ավելի պարզ կդառնա հաշվի առնելով նաև, թե ի՞նչ արդյունք կտան ընտրությունները: Այնուամենայնիվ կարծում եմ Հայաստանը պատրաստ է շարունակել բանակցություններն այս հարցի շուրջ:

Հարաբերությունների կարգավորման դրական կողմ է նաև այն հանգամանքը, որ այս անգամ չկա երրորդ կողմ, որ հրահրում է անցկացնել բանակցություններ հարաբերությունների կարգավորման ուղղությամբ:

Թուրքիայում Փետրվարի 6-ին տեղի ունեցած երկրաշարժից հետո Հայաստանի կողմից ուղարկված օգնությունը շատ գեղեցիկ ձևով լուսաբանվեց հեռուստատեսությամբ և սոցմեդիայում, լավ արձագանքներ ստացանք նաև թուրք պաշտոնյաների կողմից ինչպիսիք են օրինակ՝ Մելուք Չավուշօղլուն և Սերդար Քըլըչը: Կարծում եմ նաև մի որոշ չափով Թուրքիայի հասարակության Հայաստանի մասին կարծիքը փոխվեց քանի որ այնտեղ էլ կան ազգայնական շատ ձայներ, որոնք դեմ են Հայաստանի հետ հարաբերությունների կարգավորման իրականացմանը: Այսպիսով

Հայաստանի կողմից իրականացված այս քայլը պատնեշ հանդիսացավ այդ ազգայնական ծայրերին:

Այսօր Հայաստանի և Թուրքիայի միջև ցամաքային սահմանը բացելու մտադրությունները միայն երրորդ երկրի քաղաքացիների համար են, սակայն ի՞նչպիսի հեռանկարներ կան սահմանի լիարժեք բացման ուղղությամբ:

Այսօր Հայաստանի և Թուրքիայի միջև ցամաքային սահմանը բացելու մտադրությունները միայն երրորդ երկրի քաղաքացիների համար են, քանի որ այս սահմանը երկար ժամանակ փակ է եղել կարծում եմ միանգամայն սահմանների լրիվ բացումը կարող է վտանգավոր լինել ՀՀ քաղաքացիների համար: Վտանգ կարող են հանդիսանալ՝ Մարգարայի կողմից Իզդիբի ադրբեջանախոս ժողովուրդը, որոնք վատ են տրամադրված և իրենց ատելության խոսքն են արտահայտում հայերի նկատմամբ: Այսինքն փուլ առ փուլ սահմանների բացումը երկու երկրների համար էլ ավելի արդյունավետ կլինի: Ինչպես նաև, եթե սահմանը բացվի երրորդ երկրների քաղաքացիների համար, ապա կան հեռանկարներ նաև այն ուղղությամբ, որ սահմանը կբացվի երկու երկրների քաղաքացիների համար: Թուրքիայում կայանալիք ընտրություններից հետո կարծում եմ կանցկացվեն բանակցություններ երկու երկրների միջև երրորդ երկրների քաղաքացիների և հայ դիվանագետների համար սահմանների բացման ուղղությամբ: Սակայն այս ամենը դիրքորոշումներ են որոնք դեռ քննարկման փուլում են, որոնց ընդունումը անմիջական կապ ունի ընտրությունների արդյունքների և առհասարակ տարածաշրջանում զարգացող փոփոխությունների հետ:

Եզրակացություն

Թուրքիական մեծ պետությունն է, զարգացած տնտեսությամբ: Կարևոր է միտ հիշել այն, որ Թուրքիան իր արտաքին քաղաքականությունը կառուցում է միայն իր սեփական շահերի հիման վրա, և այս ամենը հաշվի առնելով Հայաստանը պետք է կառուցի հատուկ սխեմա Թուրքիայի հետ բանակցություններ վարելու համար: Կարծում եմ անքննարկելի է այն փաստը, որ Թուրքիայի արտաքին քաղաքականության անմիջական մաս է կազմում Ադրբեջանը: Սակայն Թուրքիայի արտաքին քաղաքականությունը չի՝ սահմանափակվում Ադրբեջանի հետ բարիդրացիական կամ ինչպես ընդունված է ասել <<եղբայրական>> հարաբերություններով: Թուրքիան ունի Եվրոմիության կազմի մեջ ինտեգրման խնդիր, ինչը նշանակում է, որ Թուրքիային ձեռնտու չի Կովկասում լարված իրավիճակը, պատերազմը: Այստեղ Հայաստանի և Թուրքիայի շահերը համընկնում են: Չնայած նրանց, որ շահերի համընկնումները քիչ են՝ դրանք կան, և դրանք հարցեր են որոնց վրա պե՛տք է աշխատել:

Աղբյուրներ՝

Երկկողմ հարաբերություններ

«Ձերմացումը դեռևս ժամանակավոր է». կարծիք հայ-թուրքական հարաբերությունների մասին Հայաստանը 100 տոննա մարդասիրական օգնություն է ուղարկել Թուրքիա
Ինչու՞ Թուրքիային ավելի շատ օգնություն տրվեց, քան՝ Սիրիային. Արմեն Փամբուխյանի պարզաբանումը
Մարգարայի կամոքի վիճակը ՀՀ տարածքային կառավարման նահապառույթությունը դեռ չի ստուգել
Մարգարայի կամոքը պատրաստում են հայ-թուրքական սահմանի բացմա՞նը
Արարատ Միրզոյանը վաղը կմեկնի Թուրքիա
Արարատ Միրզոյանի այդ Թուրքիա պատմական է. Տոյվո Կրապ
Բոլուսետը պատմական է անվանում Արարատ Միրզոյանի այդ Թուրքիա
Թեմայի վերաբերյալ հասարակության կարծիքները Թվիթերյան հարթակներում
Վարչապետը գրում է երկրաշարժի մասին
ԵՐԿՐԱՆԱՐԺԻՑ ՀԵՏՈ ԹՈՒՐԵ ՀԱՆԱՐԱԿՈՒԹՅԱՆ ԿԱՐԺԻՐԸ՝ ԹՎԻԹԵՐՅԱՆ ՀՐԱՊԱՐԱԿՈՒՄՆԵՐՈՒՄ ԵՐԿՐԱՆԱՐԺԻ
ՀԵՏԵՄԱՆՔՈՎ ՀԱՅԱՍՏԱՆԻ ԿՈՂՄԻՑ ՏՈՒՏԱԲԵՐՎՈՂ ՕԳՆՈՒԹՅԱՆ ՄԱՍԻՆ
Հայ և թուրք հասարակության կարծիքը՝ հայ-թուրքական հարաբերությունների մասին

